

訓家邦非恭儉無以守富貴鷄鳴而申儆戒克嗣徽音鵲巢之播聲詩丕宣陰

教尚匹義於姬亂期資理於坤元毋替令猷永綏寵命故茲教示想宜知悉

大提

學李敏
叙製進

○夜下備忘記曰藐予小子值此國勢之孔艱叨承付托之丕基字惠

之澤不究於小民災異之作疊現層出日夕危懼凜乎若朽索之馭馬也今夏
極無之災振古所無節過芒種圭璧既卒而淒風連吹雨意愈邈雖有暫時霰
霖譬如洪爐點雪五日不雨猶謂無麥而矧今比歲不登民困方極之餘亢旱
之慘又至於斯哀我生靈大命近止興言及此不覺心寒氣塞也至於地震之
變重發於數日之內未知何樣禍機潛伏冥冥之中而仁天之警告若是其諄
諄丁寧耶靜言思之咎在一人食息靡安罔知攸措承旨代予草教廣求直言
以匡不逮其他減膳撤樂禁酒等事宜令該曹劃即舉行噫今茲災沴亶由於
寡昧之否德而其在羣工豈無交相勉勵之道乎咨爾大小臣僚體予至意務
盡寅協割斷一己之私意克恢蕩平之公道凡係弊政之無益於國而有害於
民者亦宜裁量變通以濟時艱政院請直以聖教播告再啓從之○夜巽方坤
方有氣如火光○乙卯教曰向者以魂殿不可不一番哀臨之意言及矣送終
之禮一未展哀豈不有憾於幽明乎矧今冕迎之期未滿一句不可不躬臨於